

[T. 876.13]

DISSERTATIO

INAUGURALIS MEDICO THEORETICA

PERTRACTANS

SYMPTOMATA
MORBOSA

IN

EXTREMITATIBUS OBVENIENTIA

QUAM CONSENSU ET AUCTORITATE

ILLUSTRISSIMI AC MAGNIFICI

DOMINI

PRAESIDIS ET DIRECTORIS

CLARISSIMORUM AC CELEBERRIMORUM

D. D. PROFESSORUM

PRO

Doctoris Medicinae et Chirurgiae Laurea

RITE OBTINENDA IN CELEBERRIMA


ACADEMIA JOSEPHINA

PUBLICAE DISQUISITIONI

SUBMITTIT

Franc. Carolus Müller,

Moravus Eulenbergensis. Medicus castrensis



In theses adnexas disputabitur in aedibus Academiae
Josephinae die mensis Martii 1837.

VINDOBONAE,

TYPIS CAROLI UEBERREUTER.

K. u. k. Militär-ärztliche Bibliothek

| | | | | | |
|----------|--------|--|--------|--------|--|
| Standort | Zimmer | | Kasten | Abth. | |
| | Kasten | | | Gruppe | |
| | L. Nr. | | | Nr. | |

Quod adest, memento

Componere aequus: —

Horat. Lib. III. Carm. 29.



PROOEMIUM.

Nulla cum existat organismi nostri pars, quae morbo affligi non valeret, omnis autem cum status morbosus partis cujuscunque grandioris aequae ac exilis, nobilioris aequae ac ignobilis per signa quaedam seu deviationes a normalitate in conspectum venire necessario debeat; nulla dehinc exstat pars, quae tractamen non admittat semiologicum i. e. quae normam relinquens non exhibeat phaenomena observatorem assiduum certiores reddentia non solum de statu morbo praesente in organo adfecto vigente, verum etiam de ejus simulac totius reliqui organismi morbo futuro praeteritoque. Discrepant autem hic organa singula inter se

eatenus, quatenus eorum nonnulla tribuant signa ista tam copiosa, clara, manifesta, sensus nostros tam valide offendentia, ut negotio in scopum praedictum faciliori adhiberi queant; ubi e contra alia vix cernenda, obscura, majori tantum attentione seduliorique observatione cognoscenda dent status immutati indicia. Priora organa esse talia, quae nobilia vocari consuevimus, quae in intimo versantur nexu cum ceteris plerisque, in quae influxum exercent potentissimum, sponte elucet, uti et posteriora magis esse isolata, plus adficienda, quam adficientia ignobilia dicta. Clarescit porro quoque, quae inter illa organa latius et amplius, quae arctius et difficilius sint pertractanda et pertractata.

Ambobus fere intermedia, imo potius ad posteriorum catervam inclinantia esse videntur mihi extremitates, quarum semioticam pro viribus exhibere interpretationem in sequentibus conor.

Duplex cum vocabulo *extremitas* jungi potest notio, latior nimirum et strictior. Sensu

latiori, a vetustioribus praesertim medicis usitato, in sphaeram notionis hujus verbi trahendum est omne extremum corporis nostri, omnis notabilior prominentia extrorsum directa, prouti auricula, nares externae e. s. p.; strictiori autem sensu organa motui voluntario prerogative dicata: *artus; membra; extremitates superiores et inferiores; manus et pedes*; et haec tantum hujus tentaminis semiologici sistunt objectum.

Porro abnormitates extremitatum tales, quae cum statu sano organismi totius coëxistere valent, quae sanitatem, relativam saltem, non turbant, nec in ullo cum morbo quodam praesente et futuro versantur nexu v. c. deviationes formae extremitatum minus notabiles, uti longitudo aut ambitus unius alteriusve, vel ambarum superiorum aut inferiorum, in ratione ad reliquum corpus vel inter se, justo major, quae pulchritudinem, formositatemque corporis humani quidem, sublata symetria, tollere queunt, a nullo autem morbo praesente positae, nullumque ponentes, — tales, inquam,

abnormitates negligendas esse censui et vituperavi.

Restat, ut, quem ordinem in enumerandis signis sequar, paucis adumbrem.

ORDO TRACTAMINIS.

Exstat ea signorum in extremitatibus occurrentium copia et multitudo tanta, ut confusio nascatur incredibilis necesse sit, nisi rite terminentur, finiantur, dividantur; quapropter eorum faraginem mihi optimum videbatur secundum systemata organismi capitalia dissecare in tres partes, quarum prima signa complectitur systemati sensitivo appertinentia, irritabili altera, vegetativo postrema, quae divisio, nec non subdivisio sub schemate mox insequente clarius inspicienda.

Praeterea brevibus, ubicunque licuerit, praemittere semioticam sic dictam physiologicam seu talem, quae signorum ad extremitates relatorum in statu earum normali conditionem amplectitur, nulla ratione a medico vituperandam, etsi stricte ad physiologiam spectet, hujusque sistet partem integrantem, cepi consilium adhortante Grunero, qui dicit: „nemo enim in semiotice pathologica bene versabitur, nisi qui physiologicam, primoribus, quod ajunt, labris digustarit.“ En schema!

C A P U T I.

De signis e systemate sensitivo haustis.

De sensationibus extremitatum.

A. Sensationum excessus.

a) Sensationes inamoenae.

1. Sensatio caloris et frigoris.
2. Sensatio lassitudinis et dedolationis.
3. Sensatio mirmecismi.
4. Sensatio pruritus.
5. Sensatio gravedinis.

b) Sensationes dolorificae.

Dolor ejusque species.

B. Sensationis defectus.

Stupor et anodynia.

C A P U T II.

De signis in systemate irritabili radicatis.

A. De motu extremitatum.

a) Motus extremitatum praecipitatus.

1. Motus convulsivi.
2. Tremor artuum.
3. Subsultus tendinum.
4. Motus ceteroquin praecipitati.

b) Motus languidus.

c) Motus involuntarius.

d) Motus impeditus et plane abolitus.

Appendix. De motu normali, sed anomalias inducente et de situ extremitatum.

B. De circulatione sanguinis in extremitatibus.

C. De temperatura extremitatum.

C A P U T III.

De signis e systemate vegetativo sumtis.

A. De volumine extremitatum.

- a) Volumen auctum.
- b) Volumen imminutum.

B. De forma extremitatum.

C. De superficie earum.

- a) Quoad visum.
 - 1. De colore.
 - 2. De splendore.
 - b) Quoad tactum.
 - 1. De asperitudine, duritie, siccitate, tensione.
 - 2. De laevitate, mollitie, laxitate.
 - c) Quoad olfactum.
 - d) Quoad excretionem cutaneam.
-

CAPUT I.

De
signis e systemate sensitivo haustis.

De sensationibus extremitatum.

Sumitur bonum ab extremitatibus sanitatis augurium, ex intacta tamen earum sensibilitate sensationum; cujuscunque illae generis sint, absentia.

A. Sensationum excessus.

a) De sensationibus inamoenis.

1. Sensatio caloris et frigoris in extremitatibus.

Sensatio aquae calidae supra extremitates effusae, vel venti fervidi illas perflantis sive ambo-
bus frigidis decursum plerumque nervorum sequens, sub nomine aurae epilepticae notae, qua prodromus annuntiare solet *insultum epilepticum*.

Sensatio frigoris in extremitatibus cum simultaneo caloris sensu in partibus internis nonnumquam cernitur in morbis hypersthenicis; signum est activitatis systematis nervosi inaequaliter distributae, hic concentratae, ibi deficientis, et plerumque praegredi solet *pravum* eventum. In extre-

mitatibus inferioribus sensatio obveniens frigoris qua prodromus insultus *arthritici* et *hysterici* observatur.

Eadem sensatio vel ac si guttulae aquae frigidae extremitatem permearent, inter consuetos prodromos *paralyseos* ejus adparere solet.

In *myelitide* aliisque spinae dorsalis affectionibus in extremitatibus specifica interdum adest sensatio frigoris, per nervorum influxum impeditum forsitan optime explicanda.

In genere sensus frigoris in extremitatibus praecedere et annuntiare solet paroxismos *neurosisum* typi intermittentis.

Si in apoplecticis sensatio accedit frigoris in extremitatibus, *pessimi* est ominis.

Cernitur denique sensus frigoris in extremitatibus cum conatu eas excalefaciendi sub *debilitate vis vitalis*, in *cachecticis*, *senio*, *reconvalescentia*.

2. Sensatio lassitudinis et dedolationis.

Haec plerumque adest initiantibus *febris inflammatoriis*.

In sanis lassitudo spontanea derepente accidens signum est *morbi adgredientis*.

In aegrotantibus varios indicat status morbosos, vel *lanquorum vis vitalis*, uti post spasmos fortiores et longius indurantes, post dolores ingentes, generatim post nimium extremitatum exercitium vel indicat *vires suppressas* e. g. per *plethoram*, sordes gastricas, *mechanicam nervorum*

pressionem e. s. p. vel vim vitalem revera deficientem (torporem).

Quapropter haec sensatio praecedere interdum solet extremitatum *paralysin*.

3. Sensatio myrmecismi aut formicationis

in extremitatibus se praesentat in *raphania* per excellentiam. Porro obvenit in stadio secundo *ischiadis* nervosae Cotunni, ubi sub nervi cruralis adfectione in antica, nervi autem ischiadici in postica aestat femoris parte clarissime distincta, decursumque horum nervorum assidue sequens. Sensus formicationis in 2^{do} stadio *myelitidis* saepe observatur in digitis extremitatis unius superioris vel ambarum vel in tota extremitate, raro in extremitatibus adversis, rarissime in ambabus superioribus vel inferioribus simul (Sachs).

In *arthritide* haec sensatio insultum praecedere solet; sic et morborum spasticorum inter annuntiat paroxismos. Comes denique est nonnullorum exanthematum chronicorum, uti *scabiei*, *herpetis*. Interdum etiam inter prodromos *milliarium* obvenit digitos occupans. Mali est ominis sub *dispositione* ad apoplexiam; nam, cum congestionibus ad encephalon simul intrans, *apoplexiam* esse in proximis, indicat.

4. Pruritus

in extremitatibus designat adgressum *exanthematis* in illis erupturi.

Porro interdum adparet imminente insultu *arthritis, rheumatico*.

In extremitatibus, inprimis inferioribus, oedematose tumentibus inflammationem *erysipelatosam* sumere facit. In senescentibus obveniens designat *secretionem urinae anomalam*.

Constans etiam signum est nonnullorum exanthematum chronicorum, uti *scabiei, herpetis*.

5. Sensus gravedinis.

Hic in extremitatibus superioribus non raro observatur sub *erysipelate*, inter prodromos *icteri* et dein, si *hepatitis* transgredi minatur in statum *suppuratorium*,

b) *Sensationes dolorificae.*

Dolor pro ratione modo salutaris esse potest, modo exitiosus. Non perperam extollitur laudibus consideratus qua quaecunque mutationem, insidias organismo struentem, fideliter denuntians valetudinis nostrae severus custos; ubi e contra immisericorditer saeviens crutiatusque parans summus ab ejulatu miserorum sat accusatus et condemnatus revera interdum timendus est.

In extremitatibus saeviunt praesertim dolores in *scorbuto, pellagra, plica polonica*, ulterioribus *tadiis colicae saturninae*.

In superioribus extremitatibus praecipue in *hepatitide acuta et ossificatione arteriae coronariae cordis*, in inferioribus sub *ischiaide* in latere adfecto.

In pede dextro interdum dolor exstat sub *diabete mellito*.

In *hydrothorace* (secundum Haller) interdum dolor in brachiis praesto est.

Dolor haud raro suris et cruribus tam pertinaciter insidens, ut et medicaminum eludat vim, et hominem valde excruciet, latentem *hepatis abscessum* notare dicitur.

Dolor, qui *articularios* defendit, eo brevior esse solet, quo est vehementior.

In genere dolores in extremitatibus superioribus indicant affectiones *capitis et thoracis*, dolores inferiorum extremitatum autem *abdominis*.

Variam vero pro varia indole seu qualitate habent dolores significationem, sic lacerantes, distrahentes, scindentes, vagi praerogative *rheumatismo* conveniunt, ejusdem qualitatis dolores, ast articulationes extremitatum occupantes, *morbo arthritico* sunt proprii et *pellagra*, nec non in stadio prodromorum *raphaniae*, *plicae polonicae* et *lithiaseos* adparent. Porro dolor distrahens, lacerans in extremitatibus inferioribus sub hydrometra; in femoribus praecipue, ibique sat intensi in stadio prodromorum *variolarum* ac sub febris hujusce exanthematicae invasione.

Dolores scindentes, lacerantes; distrahentes rheumaticis perquam similes, ac interdum, vehementissimi non raro observantur sub *scarlatinoso exanthemate* florente, frequentius adhuc deflorescente, vel plane evanito in extremitatibus inferioribus, nonnumquam et in superioribus, tuncque praesertim in digitis earum, quos dolores específicos cel.

Teim inter symptomata scarlatinam a morbillis et rubeolis (prioribus praecipue) distincte discernentia numerari debere non haesitat.

Dolores lacerantes intensissimos in brachio sinistro, mox adhuc comitatos iisdem in femore hujus lateris observavit Prof. Herbipolensis Friedrich tamquam prodromos *tumoris lymphatici* supra claviculam sinistram residentis, qui id etiam proprii habuerunt, quod per lecti teporem incrementum ceperint. ¹⁾

Pulteney narrat exemplum, ubi *dilatationis cordis* undique aequabilis ac insignis cum simultanea arietum ejus crassitie multum inminuta characteristicum signum dolor acerrimus, lacerans extremitatum erat. ²⁾ Sic etiam Krey sig ³⁾ ejusmodi dolorem in extremitatibus sub *amplificationibus cordis* observasse adfirmat et quidem sub dilatatione cordis dextri in extremitate superiore sinistra. Originem videtur trahere iste dolor ex impedito sanguinis refluxu ex venis brachialibus in venas colli, quibuscum angulum faciunt rectum; cava enim vena non solum sub atrii cordis dextri dilatationibus, sed sub aneurismatibus arcus aortae extrorsum et extrorsum in sanguine evacuando impeditur, hinc praecipue influxus sanguinis ex vena brachiali sinistra in illam inhibitus sit, necesse est.

1) Heilung einer Lymphgeschwulst durch salpetersaures Quecksilber, beobachtet von J. B. Friedrich; im Archiv f. med. Erfahrung von Horn, Henke und Nasse. 1819. März, April. S. 363.

2) Philosoph. transact. Vol. LII. Pars I. pag. 344.

3) Krey sig, Krankheit des Herzens, 1. Theil. S. 340.

Dolores perforantes osteocopi per noctis tempus intensiores adesse solent in *syphilitide universali*.

Dolores rodentes observantur in *podagra* et inflammatione articulorum, nec non in *ulceribus et carie* extremitatum.

Dolores contrahentes in extremitatibus *spasticis* proprii sunt earum *adfectionibus*; ita dolor talis in suris designat modo idiopathicam (topicam), modo consensualem adfectionem spasticam, in gravidis autem, ubi plerumque simul oedemate pedum ac varicibus junctus est, indicat pressionem per foetum.

Denique dolor singularis naturae a thorace ad apices usque digitorum decurréns nonnunquam praesto est in *angina pectoris*.

In *plica polonica* ipsi unques interdum dolent.

B. Sensationis defectus.

Stupor extremitatum in sanis occurrens designat modo pressionem nervorum mechanicam, modo circulationem sanguinis prohibitam, per quascunque causas ambae productae sint.

Stupor, praesertim in digitis manuum cum spasmodica tensione et rigiditate extremitatum junctus, occurrit inter prodromos *milliarium*.

Sensus stuporis in digitis aut totis extremitatibus haud raro obvenit in *myelitidis* stadio secundob.

Diebus criticis, annuntiat in nonnullis casibus imminentes *crises* per sudorem, vomitum et haemorrhagias. Stupor extremitatum porro obvenit in stadio prodromorum *epilepticos et apoplexiae*, posterioreque non raro sequitur.

In *phthisi tuberculosa* stupor cernitur in un-

extremitate superiori; sub *calculis biliosis* in extremitate superiori et inferiori dextra; sub *calculo re-nali* adest in extremitate inferiori lateris adfecti.

In *ischuria* interdum stupor detinet ambas extremitates inferiores.

Malum habetur in decursu exanthematis *milliaris* stupor extremitatum signum.

Sub *hydrocephalo*, *contusione capitis*, *sopore*, *meningitide* stupor unius alteriusve aut omnium extremitatum gravem metuendam esse cerebri adfectionem indicat.

Si stupor extremitatum sanguine abundantes exercet, ita, ut manus et digiti quasi mole inhaerescere, hebescere, atque in pugnum haud facile colligi posse videantur, scire licet, vasa humorum multitudine compleri, commune sentiendi organon prui et nisi brevi liberetur, nervorum resolutionem esse subsequendam. Membrorum hinc in *apoplecticis* stupor pessimi est ominis.

Anodynia obvenit in extremitatum *paralysi et contractura*. In stadio secundo *myelitidis* stuporem arthriticum interdum accedit earum anodynia.

Praeterea observatur inter symptomata *intoxicationis* narcoticae.

In genere *mali* est ominis.

Dolorem enim prorsus non sentientes, monente Celso, vita non diu fruentur.

Aegri, Gruner ait, quos morbus tenet gravis, dolorem non sentiunt.

Anodynia extremitatum in morbo *arthritico* praeter rationem occurrens scire licet, aegrotantem summo versari vitae periculo.

CAPUT II.

De signis in systemate irritabili radicatis.

A. De motu extremitatum.

Motus extremitatum sanitati optime conveniens ille est, qui peragitur cum agilitate, facilitate, constantia, exercitii grandioris tolerantia, lassitudinis absentia, voluntati promptissima obedientia, nullam parans ceteroquin abnormitatem.

a) *Motus extremitatum praecipitatus.*

1. Motus convulsivi.

In genere obveniunt hi extremitatum motus in morbis cum aucta receptivitate systematis nervosi. Modo consensuali occurrunt sub *vulneribus* gravioribus, *doloribus* vehementissimis, sub irritatione ex *helminthiasi*, ex *dentitione* in infantibus, ex *sordibus gastricis*, *biliosis*, *hyperoxysi* in organis digestionis; in morbis systematis *uropoëtici*, in periodo *pubertatis*; — modo symptomatice in *morbis exanthematicis* sub eruptione exanthematis praecipue, sub transitu febrium in characterem nervosum, in *typho* in *hysteria*, in animi *pathematibus* vehementioribus imprimis terrore, ira, gaudio nimio; in morbis

cordis, quibus maxime familiares, in *intoxicatione*, *exhaustione*, *cachexiis*, *debilitate nervosa* post haemorrhagias magnas, in *galactorrhoea*, *onania*, suppressione evacuationum consuetarum, in *epilepsia*, in *chorea St. Viti*, *tussi convulsiva*, *eclampsia*, *rabia*, *mania*, *rabie canina* e. s. p. — modo metastatico a *arthritide*, *exanthematum retropulsione*, lactis retrogressu etc. — modo mechanico in organorum consensuum laesione graviore, prouti *cerebri*, *medullae spinalis* et singulorum *nervorum* per vulnus: contusionem, oppressionem, corrosionem, repletionem sanguine, sero, extravasatis, corporibus peregrinis, vitiis organicis, calculis renalibus, sub partu.

In mechanicis cerebri laesionibus observatum est pluries, in extremitatibus lateri encephali adiecto contrariis convulsiones esse ortas, ita ut sub laesione lateris capitis sinistri extremitates dextrae motibus laborarent convulsivis.

Semiotica horum extremitatum motuum significatio in genere dependet a causis, quibus produuntur, ab eorum duratione et vehementia.

Vix infausti sunt ominis in subjectis *junioribus*, *irritabilibus*, uti in infantibus, foeminis, in hysteriis, in quibus laevissima induci et creari valent causa v. g. per irritationem vermium, dolorem laud gravem, refrigerium levidense, animi affectu minimo e. s. p.

Ita etiam sub *initio febrium acutarum* per se *gravioris* non sunt praesagii, nisi qui incedunt aliis symptomatibus periculo plenis.

Imo interdum ad symptomata naturae auxilia spectant.

Ab initio morborum exanthematicorum exoriri acque eruptionem exanthematis impedire ac promovere queunt, quod colligendum ex reliquorum symptomatum syndrome.

Non raro *faustum* secum ducunt praesagium, criticas evacuationes: per alvum, sudorem etc. antecedentes; ast brevi hic indurare debent, quin crisi perficiendae obviam sint. Quo vehementiores illi sunt motus, eo *periculosiores*.

Malum concedunt augurium motus extremitatum convulsivi, qui cum *turbis psychicis*, syncope e. t. juncti sunt, porro, qui ex *evacuationibus inanibus* e. g. haemorrhagiis, qui retropulsis axanthematibus et menstruis vel lochiis retentis exoriuntur.

Laesiones mechanicas adgressi motus convulsivi extremorum plerumque periculo turgent, adfectionem graviolem encephali aut medullae spinalis pronuntiantes. Convulsionem extremitatum sub mechanica ventriculi laesione consuetum praebent symptoma.

Periculo pleni sunt convulsivi extremitatum motus sub *inflammationibus* gradus altioris, quia plerumque instantem in grangraenam transitum timendum faciunt.

Plane vero ante portas esse mortem designant illi, qui in *intoxicationibus*, ultimis morborum *hecticorum et hydropicorum* obveniunt periodis.

In *gravidis* occurrentes multum ferunt periculi, haemorrhagias enim plerumque aut abortum qua sequelas secum ducunt, praecipue mox ante vel sub partu ipso ingredienti, ita, ut cel. Plenk se observasse testatur, inter 12 gravidas paulo ante

artus exordium motibus extremitatum convulsivis correptas ne unam fuisse sanata. Excipiendi autem sunt illi convulsivi motus, qui prae violentia dolorum eorumque longiori duratione sub ipso partus labore exoriuntur; minus enim hi funesti, quippe dolores partu absoluto sponte cedunt. Qui in *exordio* morborum acutorum se manifestant, tam omisiosi non sunt, quam qui in eorum superveniunt *ne*.

Ad *delirium* adgredientes extremitatum motus convulsivi augurium tradunt tristissimum.

Apoplecticos quando accedunt, mors certa est et prompta.

Quo longius denique eorum *durationis* est tempus, eo funestius, quod exhibent, praesagium.

In genere *ante* pubertatis periodum minus, quam illa elapsa sunt timendi.

Bene medicus in memoria retineat, quod motus convulsivi per abusum quorundam remediorum, uti praeparatorum ex saturno et mercurio, nec non per methodi evacuantis citra modum exercitium in lucem proferantur, ne in statuenda diagnostici errorem committat, alias inevitabilem.

2. Tremor artuum.

In genere obvenire solet in plurimis systematis nervosi morbis.

In specie in *plethora generali*, post *suppressionem evacuationum* sanguinearum consuetarum, sub *congestionem* sanguinis in *cerebro* aut *medulla spinali*, sub *compressione* eorum per exsudationes, extravasata, pus, in capitis contusione, in *stadio frigoris*

febrium, in animi *pathematibus*, ira, gaudio, libidine, post *laborem effrenum* exercitiumque extrematum validum et protractum, in *inedia*, post nimium *veneris lusum*, in *senectute*, sub abusu potuum *spirituosorum*, *narceticorum* praesertim potus coffeani, sub abusu *mercurii* (tremor speciatim *mercurialis* dictus) *plumbi et arsenici*, qua reliquum *arthrodynia*, *rheumatalgia*, in *helminthiasi*, in *metastasis* variis, post *haemorrhagias* ingentes, in statu *debilitatis* generalis, imprimis a febribus *asthenicis* relictis.

Tremor porro artuum adesse solet in *taenia* et stadio prodromorum *metrorrhagiae*.

Communissimum est symptoma in *febris nervosis*.

Praeterea manuum tremor princeps quasi signum febris *carcerariae* et primarum viarum *sordibus* repletarum, praecipue si cum perpetuo fronti et superciliorum jungitur attactu.

Generatim periculum tremoris artuum dependet a tempore, quo accidit et causis, quibus producit.

Minime terrere debet, qui parvus, recens, congenitus est, qui a causa externa et humorum copia exoritur, qui validis evacuationibus et morbi gravioribus praecedentibus in stadio *reconvalescentiae* adparet; sponte enim cedit corpore redintegrato; neque ille in stadio frigoris *febrium* praesens. Tremor extremitatum superiorum interdum antecedit *epistaxin* criticam.

In stadio critico non raro adparet, qua prodromus evacuationis criticae, crisi autem vel incomplet

el nulla subsequente *pessimi* evadit praesagii, metasases funestas timere faciens.

Saepius morbi, in quibus hoc symptoma a principio se manifestat (plurime febres nervosae) *chronici* evadunt.

Non desunt; testante *Grunero*, exempla, ubi *color capitis* pertinacior et duiturnus, prouti a vigore facta vocis defectio, brachii manusve tremore sunt judicata.

Pejoris ominis artuum tremor vehemens justoque longius perdurans in febribus adauctam systematis nervosi receptivitatem adfectionesque encephali et medullae spinalis pronuntians, nec non qui vermibus nervisque obstructis provenit.

Tremor artuum adparens in connubio eorum stuporis, nec non vertigine junctus praecedere solet *apoplexiam et paralysin*.

Difficillime est sanatu, qui ex *abuso veneris*, *potuum spirituosorum*, *laesione calvariae* aut diu subsistente cerebri compressione atque *intoxicatione* per plumbum, arsenicum et mercurium originem trahit. — Tamen interdum ille a potu crebro vini spirituumque, biboni pertinaciter insidens, cessat, ubi vari et gutta rosacea, nec non tussis violenta et cum sputis foetidis juncta, destillatio copiosa et longa, sudor et alvus fusior supervenit.

Insanabilis fere habetur, qui *paralysin* supervenit, qui *apoplexiae* est reliquium, qui denique *senibus* valde incommodat.

Lethifer ultimo exstat, qui in febribus ardentibus post delirium incidit, atque linguam occupat, nec non in horrendas transformatur convulsiones

qui *phreniticos, vulneratos, lethargicos* aut aegros *summe debilitatos* corripit, qui tandem in *morbundis* cernitur.

3. Subsultus tendinum.

Optime hoc symptoma cernendum est in car-
pis. In genere periculosius habebatur et interdum
habetur, quam revera est. In *sanis* praeter con-
suetudinem obveniens non raro praesagit morbum
accedentem. Familiare est morborum *gravium, acutorum, malignorum* et *ad summum deductorum* sig-
num, interdum *ferox et convulsiones ipsas* ante-
cedit *delirium*.

Saepissime adest inter prodromos paroxismo-
rum *neurosi*, praecipue *hysteriae, hypochondriae*
e. s. p.

Etiam *encephalitidi* est commune. Interdum
leviorem *choreae St. Viti* gradum sistit.

Nullum injicit tendinum in extremitatibus
subsultus terrorem, qui in *sanis, hypochondriacis,*
et *hystericis* accidit.

Majoris est in aegrotantibus valoris.

Variat tum pro morbi genere atque causa ejus
semiotica significatio.

Bonum habetur signum, quando ejus mini-
sterio eruptiones ad cutis emissaria deferuntur v.
g. in *variolis et purpura*, praecipue ubi in febre
secunda confluunt, aut, ubi intus reverterunt,
iterum in cute efflorescunt, si dolor recrudescit,
si egestio humorum morbosorum salutaris super-
venit.

Nonnulli hocce symptoma qua nuntium non raro *criticarum* evacuationum se observasse dicunt.

Gravius fert augurium, si incedit in connubio aliorum symptomatum periculosorum, uti respiratione stertorosa, pulsu exili, frequentissimo aut intermittente, sudoribus frigidis, viscidis, deliriis vehementibus, tremore labiorum e. s. p. quum hic mortem praenuntiat instantem; item ubi nascitur a cerebro infirmato, laeso atque destructo.

Malum porro signum in *altiori febrium gradu*.

Haud raro, ubi convulsiones indurantes morbo letentum vexant, assultus tendinum carpi conspiciuntur, dum accessio exacerbatur. Ast hi neque sunt periculosi, neque nisi exinde imminentis accessionis tempus et intensiorem definire velis, ad praesagiendum multum valent.

4. Motus extremitatum ceteroquin praecipitati.

Infantes in *colica* extremitatibus inferioribus *palpitant* (zappeln) easque ad abdomen trahunt. Idem obvenit sub *gastromalacia*. Haud raro digiti vehementer moventur, id quod *febrem validam*, *delirium* propinquum periculumque haud leve, in infantibus quoque *vermium rosiones* designat.

Jactitatio extremitatum continua inter *pessima* locandum signa.

Extremitates inferiores interdum specificè moventur ac si *titubarent* (straucheln) sub ingressu in principio hydropis ventriculorum cerebri.

b) *Motus extremitatum languidus.*

Lanquor motus extremitatum familiaris *februm* comes est et pedissequa. Adparet quoque in statu *debilitatis* universalis, in *algore* et *febri intermittente algida*, in *perfrigerio* (phricasmo) et *diabete mellito*. Interdum sponte sua, absque ulla causa evidente subito incidit, estque tum signum, morbos graves esse adventuros. Porro adest in *plethora*, sub *compressione cerebri*, *sordibus* intestinorum biliosis, in *helminthiasi*, *obesitate*, *hydrope*, *hysteria* e. s. p.

Laetioris est praesagii, qui a humorum copia, circuitu impedito, cerebro compresso aut sordibus enascitur gastricis, quippe post vomitum illico cessat, nec non in *obesitate*, *hysteria*, *hypochondriacis*, *leucophlegmaticis*.

Si in diem aut gravem sequitur morbum, non nisi cum malis indiciis est, tunc *deliria* et *melancholia* timenda videntur.

Maxime infausti ominis est languor motus extremorum, ubi in febribus acutis et multum defatigantibus incidit, et cum subita virium defectione jungitur, ubi a capitis contusione insigniori et gangraena imminente originem haurit, ubi subito et vehementer ex angina laborantes invadit et aegros jam desipientes v. g. phtisicos conclamatos.

Quo major languoris extremitatum motus gradus est, eo *periculosior* haberi debet morbus.

Justo serotinus adparet, motus extremitatum in infantibus *scrophulosis*, *rachitide*, aliisque morbis infantilibus asthenicis laborantibus.

c) *De motu extremitatum involuntario.*

Peccat motus extremitatum, quamquam ceteroquin a normalitate non recedat, etiam in eo, quod voluntati, ipsum in statu sano gubernanti, non obediat. Tales motus obveniunt praesertim in *encephali* adfectione graviore.

Sic in altioribus *febris nervosae* gradibus morbo letenti varios manibus peragunt motus, circumagunt acsi aliquid quaererent aut capere vellent vel consueta quoque absolvunt manibus negotia.

Notum, qualia in *somnambulismo* extremitates peragant.

Infantes, si varios extremitatibus perficiunt motus somniantes, haud raro *vermibus* laborant, praeterea sub *dentitionis* periodo gingivam, in *hydrocephalo* caput, in *helminthiasi* nares, umbilicum et anumprehendunt.

Memoratu dignum est, quod sub insultu *epileptico* pollex flexus ceterisque digitis illum tegentibus et quoque flexis intrusus sit, nec non quod idem in foetibus interdum obveniat. In *raphania chronica* pollex, pro possibilitate extensus, retro incurvatus cernitur.

In *febris nervosis* occurrens muscarum venatus (crocidismus) floccorumque collectio (charphologia) denotant plenariam mentis absentiam et plerumque antecessores sunt *mortis*; evictum nondum est, an aegri revera hasce videant res aut an hi motus solum sint imaginationis laesae sequelae.

Si infantes certam saepe saepius tangunt manibus corporis sui plagam, dolor, pruritus aut alia sensatio molesta ibi haerere videtur, quod a medico numquam negligendum et praetervidendum est. Varia sine conscientia insequuta extremitatum gesticulatio *grave et periculo scatens* exhibet in morbis acutis signum.

d) *De motu extremitatum impedito et plane abolito.*

Impeditur motus extremitatum in *arthritide* acuta et chronica, in decursu *erysipelatis neonatorum*, extremitatum inferiorum praesertim in *ischia*, in genere autem in omnibus extremitatum morbis *organicis*. Tollitur vero plane omnis earum motus in *paralysi*. Talis autem extremitatum motus defectus exoriri solet in *hydrocephalo interno*, ad finem *colicae saturninae* et *diabetis melliti*, denique qua *convulsionum*, *apoplexiae*, *ischiadis Cotunni* et *februm acutarum* pedissequa; nec non *rheumatismi* in illis residentis; in *cachexiis* variis, *syphilitide*, *scrophulosis*, *rachitide*, *arthridite*, post intensissimos dolores, *spasmos*, *intentiones in graviditate*, *hysteria*, *sordibus gastricis*, *biliosis*, *helminthiasi*, sub *intoxicatione*, *suppressione exanthematum*, *evacuationum consuetarum*, in *plethora*, in animi *pathematibus* vehementissimis, *ictibus electricis*, praesertim in morbis systematis *nervosi* intensioribus, nec non in *inflammationibus* cervicalibus, thoracicis et abdominalibus, ubi ex adfectione nervorum e spinali medulla exeuntium explicandae sunt;

Portal observavit in nonnullis pneumoniis extremitates superiores, in inflammationibus abdominalibus inferiores ex paralyti motricem perdidisse facultatem.

Senescentes imprimis *hypochondriaci* haud raro laborant malo.

Extremitates superiores praecipue movendi donum amittunt in *colica saturnina* et sub *vomica pulmonum*.

Inferiores in *tabe dorsali*, in 2^{do}. *scorbuti* et in *hydropho* *hydropis ventriculorum cerebri* stadio. In *calculo renali* in latere adfecto. In *paraplegia* vel solum superiores aut solum inferiores hac ratione adfectae sunt extremitates.

In *paralyti cruciata* una superior simul cum una inferiore, sed lateris contrarii; haec in *dysenteriiis* et *diarrhoeis* intensioribus interdum adparet et plerumque insanabilis est.

In genere motus extremitatum ex paralyti abortus, qua signum vitalitatis ad imum reductae in systemate principali, scilicet nervoso, non aliud quam *funestum* videtur portendere praesagium, sed tamen criticum interdum ajunt esse symptoma, v. in *tussi convulsiva*, *atrophia*, *intoxicatione metallica* ac inde *non mali* ominis.

Motus extremitatum ingrediens in morbis cerebri et spinae dorsalis variis, uti inflammationibus, commotionibus, luxationibus vertebrarum e. s. p. *periculorum ac funestum* exhibet augurium, nisi medela adaptata brevi disrapuerit, graviolem omnino affectionem aut extravasata indicans.

Aequè *mali* praesagii est suppressis exanthematibus v. c. scabie, exortus.

Melioris ominis est in graviditate, spasmiss uterinis, hysteria, sordibus gastricis, biliosis, helminthiasi e. t. consensuali natus modo.

In morbis acutis *lethale* saepe est signum, praesertim si aliis sociatur symptomatibus malis; sic, ubi extremitates inferiores tali ratione adficiuntur, aeger plerumque (sphacelo viscerum abdominalium) moritur.

Ex *debilitate* autem in his morbis inductus plerumque sponte sua, licet tarde, evanescit.

Superiores in genere corripiens *funestius* praebere solet augurium, quam inferiores extremitates. *Pessima* est extremitatum ex paralyysi immobilitas, si membrum affectum emacuit et colorem cutis decoremque amisit.

Immobilitas artuum simul juncta cum earum *rigiditate* obveniens in decursu morborum signum semper est *periculo scatens*, praesertim autem, si post evacuationes nimias et in specie post *haemorrhagias* ingentes exoritur.

Ingrediens sub *stadio frigoris februm* in subjectis senilibus *pravi* est ominis, et haud raro praenuntiat *febrim intermittentem apoplecticam*.

Obvenit porro in *tetano*, *anchylosi*, *perfrigerio*, morbo indico la *Crampe* e. s. p.

Partialis vel unam alteramve extremitatem detinens est prodromus *trismi* et *tetani* universalis.

Melioris ominis est qua antecursor paroxysmi *hypochondriaci* vel *hysterici*, nec non in foeminis

critabilibus ante *menstrualis fluxus* ingressum ad-
arens.

Sub eruptione nonnullorum *exanthematum* v. c. morbillorum, variolarum, milliarium interdum accidit simulcum totius corporis immobilitate; ast *minime timenda*, nisi alia signa graviora adsint, praesertim si exanthema mox sub levamine efflorescit.

Inflexibilitas artuum cum sensuum integritate observatur in *catocho* (Steifsucht).

Immobilitas artuum absque rigitate et cum flexibilitate obvenit in *catalepsia*, *apoplexia*, *sopore*, *cataphora*, *syncope*, *asphyxia*, *caro e. s. p.*

A P P E N D I X.

De motu extremitatum normali quidem, sed anomalias inducente et de extremitatum situ.

In stadio prodromorum *phthiseos exulceratae*, *chlorosi*, *dilatatione cordis* et *aneurismate aortae* *pectoralis* motus extremitatum producit *asthmicam* *expirationem* atque celerem *defatigationem*.

Sub *calculo renali*, *vitiis organicis lienis*, in *ischia* et *ischuria* motus dolorificam inducit in loco adfecto sensationem.

In stadio inflammatorio *hydropis ventriculorum cerebri* motus lenissimi producant vomitum.

Motus extremorum talis; per quem transversio corporis in aliud latus producit, sub *calculis biliosis* in vesica fellea sensationem causat, ac si corpusculum aliquod ponderosum postvolveretur.

Eadem obvenit sensatio in thorace sub motu isto *rupta vomica* in pulmonibus.

Maximi sunt momenti haecce ultimo notata symptomata ad statuendam horum statuum morbosorum diagnosin.

Motus extremitatum interdum producit articulationum *crepitum* (Knacken) in subjectis exsiccatis, tabescentibus.

De situ extremitatum vario.

Situs extremitatum *optimus* ille est, qui a consuetudine naturali non abhorret, plerumque sub aegri cubito, brachiis cruribusque paululum reductis.

Indurans retinentia situs extremitatum, sub quo in momento insultus adgressi versabantur, in *catalepsia* observatur.

Situs extremitatum eo *pejoris* est ominis, quo magis praeter consuetudinem est. Sic *malum* habetur signum, si aeger genubus contractis vel vehementer complicatis hiantequae ore cubat, id quod est delirantium, si creberrime extremorum situm mutat, id quod inquietudine et anxietate cruciatorum.

In *calculo renali* extremitates inferiores una trans alteram locantur.

Propendentia pedum a lecto quasi neglectim, ut et non percepta aegroto nuditas horum inter signa pertinet *pessima*.

Signum *exitiosum* fere est, si sub peripneumoniae et delirii finem pedes inaequabiliter et extra spondam disjiciuntur; ast scire licet, aegrum *non*

ericlitari, ubi a dolore artuum et juncturarum, non a debilitate summa proficiscitur. Extremorum situs *quietus* per se quidem signum *bonum* est, praecipue si sub somno placido observatur, cum hic laetus criseos salutaris saepe nuntius est, ast *periculosissimum* quoque evadit, ubi ex virium defectu plethorico aut earum suppressione proficiscitur.

Characteristicum *ischuriae* signum est perpetua genuum elevatio.

Saepissime, secundum Kreysig, morbo cordis laborantes in tali versantur situ, ut trunco anteriorius inclinato brachia genubus, manus faciei imponant atque per diem et noctem extra lectum selae dependentibus extremitatibus inferioribus indeant, quem situm miseri terribile cruciati optime adhuc ferunt. Observatur hicce situs non solum in *arditide*, sed et facta ibi *exsudatione*, nec non sub *organicis cordis vitiis*. Si tales aegri situm extremitatum antea intolerabilem subito optime ferunt, timore quoquaerunt, *lethale* plerumque solet esse signum.

B. De circulatione sanguinis in extremitatibus.

Jam in statu normali circulum sanguinis in extremitatibus, tamquam organis a centro circulationis maxime remotis, minori fieri celeritate, sciunt; hinc sub certis in circulo sanguinis turbis non dubitabest, ut in illis rareseat, imo plenarie sistat. Ita observatio docet, in morbis *viscerum abdominalium*, praesertim talibus, qui circulationi sanguinis struunt impedimenta, minori celeritate sanguinem in extre-

mitatibus procedere, quod demonstrat pulsum conditio, extremorum pallor, temperaturae decrementum, ad motum segnities e. s. p.

Ita sub animi *pathematibus* validioribus, praecipue, terrore, ira, anxietate circulum sanguinis in extremis imminutum, imo ad imum fere reductum observamus.

Interdum et plenarie sistit in singulis extremitatibus sanguinis circumactio, denotatque idem aut *vitium* extremi adfecti *organicum* aut *spasmus* ingentem.

In *agone* circulus sanguinis in extremis plenarie quoque abolitur, ceterum adhuc perdurante, quapropter hoc symptoma merito inter *funestissima* collocare nequaquam haesitatur.

Localitatis extremitatum gratia reductio sanguinis ex iis jam in normali statu difficilior est, facili inde negotio collectu, hancce circulationis sphaeram turbare morbososque status induci posse per causas jam leviores, ita ut per vestimenta iusto arctiora, praesertim extremitatum inferiorum: calceos, fascias tibiales, bracas nimis angustas etc. situm erectum longiori tempore et reiteratis vicibus retentum, pressionem per uterum gravatum varii status abnormes producantur, prouti stupor extremitatum, mirmecismus, oedema, varices e. t.

Frequentissimum circulationis in extremitatibus impeditae productum sistunt *varices*.

Hi *copiose* interdum in gravidis adparentes in genere *periculosi* non sunt, ast tamen interdum periculum inferre valent, ubi in subjectis laxis sulae

lium, limitatus hic calor excedens est ad pedum plantas manuumque volas.

Vicissitudo temperaturae in extremitatibus secundum observationes in stadio 3^{to} *hydropis ventriculorum* cerebri interdum locum habet.

Plures existunt morbi, in quibus extremitates exhibent temperaturam infra normalitatis gradum versantem, prouti in initio exacerbationibusque *febrium*, in *congestionibus ad encephalon*, inter prodromos *haemorrhagiarum spasmodicarum* in genere, in *haemorrhagia arteriarum ex anastomosi*, in *haematemesi*, *haemorrhagia e vesica urinaria*, in *haemorrhoidibus suppressis menstruatione nimia*, *metrorrhagia* et in, qua horum morborum pedissequa, orta *depletione*.

Praeterea extremorum frigus adest in stadio prodromorum *febrium intermittentium*, in *cardialgia*, *cholera epidemica*, *angina pectoris*, *coeruleosi congenita* cum vitiis organicis cordis insignioribus et generatim in *tumoribus* ad cor, pericardium et vasa majora.

Interdum praesto est in stadio prodromorum *choreae et raphaniae chronicae*, nec non in *hypochondria* cum simultaneo in facie calore; porro in ultimis stadiis *colicae sanguineae*, in insultu *asthmatici acuti* et praesertim sub evigilatione e somno in *hydropse cavitatis pectoris*.

Ad summum usque gradum evectum frigus extremorum observatur in *peripneumonia*, *cystitide*, *metritide*, *carditide*, interdum in *rheumatismo* non febrili recente et sub insultu *haematemeseos*.

Frigus, quod dicunt marmoreum, cernitur i

gastritide, enteridite, nephritide, quod et in *febris*
typhoide, dysenteria in superiori canalis intesti-
nalis tractu et in summo *depletionis* gradu obvenit.

Sub *lienis passione organica* specificum frigus
extremitatis inferioris sinistrae observatum est. In
paroxysmis *hystericis* unguis frequentius frigit. In
typhoide calor adauctus in extremitatibus, si antea
frigebant, plerumque praebet signum *lethale*.

Manus calentes frigentibus brachiis semper *omi-*
nosum dant augurium.

Jamjam Hippocrates extremitates frigidas in
connubio cum aliis signis pravis prodromos adpellat
mortis; ast interdum *criticis* evacuationibus antece-
dit frigus extremorum ibique non *infausti* ominis.

Temperaturae extremitatum vicissitudo praesa-
git *chronicum* morbi decursum.

Frigus extremorum in febribus excedens cum
coloribus abdominalibus si stipatur, *malum* solet
esse signum.

Extremitates in *febribus* frigidae cum sudore
viscido, crasso frigente, pulsu antea exiguo, nunc
plane evanito, imprimis si post deliria mens redi-
erit, *mortem* proxime imminentem significant.

Caloris augmentum in extremitatibus sub initio
phthiseos pituitosae et *febris hecticae* difficile est ex-
plicatu, prouti et circumscriptus genarum rubor in
his morbis. Explicari solet per congestionem to-
pica ad has partes, ast parum clarior res fit hac
suppositione; an hic calor topicus non potius in vi-
vidiori resorptionis processu radicatur? — videmus
enim in his morbis extremitates quoque marces-
cere.

Calor ad partem quandam internam limitatus frigentibus extremitatibus, pulsu simul parvo, debili, inaequali, *gangraenam* in hac parte significant.

Frigus extremorum adparet praecipue in morbis organorum ad circulationis functionem spectantium, dehinc in *organicis vitiis cordis*, vasorum majorum, *pulmonum et haemorrhagiis*. Vis vitalis per jacturam humorum decrescit, circulus tardior evadit, ubi vero, quam in organis a corde remotissimis, prius et eminentius hujus sequela, frigus adpareret?

Frigus summum, marmoreum sub *inflammatione* organorum internorum in extremis adparens radicem ex vera sanguinis penuria ducit; nam sanguis in organis inflammatis accumulatus in partibus remotis sanguinis inopiam causare debet, quod eo verosimilius evadit per observationem, frigus sub transitu gastritidis in *gangraenam* ventriculi adaugeri.

In genere constat, in morbis ad exitum festinantibus lethalem extremitates frigescere, certum in indicium, vim vitalem ad internas nobiliores auferuisse partes, ibique se concentrasse, hinc ejus in extremis ignobilioribus defectus, circulatio tardior, frigus; in adfectionibus *gangraenosis* partium internarum id frigus ad maximum adscendit gradum si tique vehementi junctum est, qua vitae lanquoris pedissequa certissima.

CAPUT III.

De

signis e systemate vegetativo sumtis.

A. De volumine extremitatum.

a) *Volumen auctum.*

Extremitates volumine crescunt in stadio prodromorum *ascitis*, *anasarcae*, *plethorae*, *melaenae*, inferiores serius in *chlorosi*, *febris intermittenibus*, *hydrope cavitatis pectoris* ibique cum levamine manifesto. Porro in *rheumatismo* acuto simplici, in *asthmate* urinoso, *coerulosi*, *elephantiasi*, *arthritide* acuta et chronica, in 4^{to}. stadio *phthiseos exulceratae* et in genere in ultimis *februm hecticarum* stadiis.

Denique extremitates inferiores saepius volumen majus nanciscuntur in *morbis cordis* testante Krey-
sig (per intumescientiam hydropicam).

In *tumoribus* variis manuum et pedum, uti spontaneo, podagrico e. t. adparet partialis extremitatum voluminis augmentum. Idem observatur in *cacochymiis*, *infarctibus abdominalibus*, post *fugatam febrem*, ubi malleoli intumescunt. Digni secundum observationes plures intumescunt et latiores fieri videntur in altiori *phthiseos* gradu, in *pomica* cum copioso pure. Ultima articulationes digitorum intumescunt in stadio prodromorum *plicae polonicae*.

In *arthritide* saepius in extremitatum artubus adparent nodi.

Ratione dimensionis in longum. Extremitates inferiores adparent longiores in *coerulosi*, extremitas inferior adfecta in 2^{do} *coxalgiae* stadio, post luxationes prave sanatas; adparens solum in *ischia* nervosa Cotunni (quod hic revera non sit longior), discrimen statuit hanc inter et coxalgiam. Breviores cernuntur extremitates post *mechanicas laesiones*, *luxationes*, *fracturas* e. s. p. extremitas autem inferior adfecta in 3^{to} *coxalgiae* stadio.

Memoratu dignum, mirum et vix explicabile est, certos morbos cum specifica nutritione irregulari ac formatione junctos esse, ita, secund. Krey-sig, aegri *desorganisatione cordis* congenita laborantes, ubi cor dextrum cum sinistro apertam communicationem offert, semper fere justo longiores extremitates inferiores unquesque habent et ciconiis non absimiles incedunt.

Quod extremitates inferiores *faciliori pactu*, quam superiores intumescant, explicatu haud difficile consideranti earum situm, qui resorptioni ac revectioni humorum in illis multum obest unde facilius stagnationes et retentiones sanguinis venosi oriuntur, quae in culpa sunt, quod pars sanguinis serosa separetur et in telam cellulosa effundetur; hinc in odemate pedum semper reperiuntur venae cutaneae tumentes, coeruleae, transparentes. Quod intumescencia extremitatum inferiorum sub *hydrope cavitatis pectoris* cum levamine ingrederetur tanto non mirum.

Si post male sanatas *febres irtermittentes* pedes

intumescere incipiunt, signum id est *hydropis* subsequentis; comites enim fideles *morborum hydropicorum* sunt extremitates intumescentes.

Intumescentia extremitatum juncta cum cardiopulmo signum est *aneurismatis et concretionum polyposarum*.

Intumescentiae malleolorum *mali* sunt ominis, quae a *cacochimiis, infarctibus viscerum et febribus inepte fugatis* proficiscuntur.

In *puerperis* tumor parvus, ruber, dolens in dorso manuum et planta pedum exorsus mortem ante portas esse significat.

b) *Volumen imminutum.*

Volumen extremitatum imminutum seu marcor adparet generatim in omnibus *morbis depascentibus*, ubi prius, quam reliquum corpus marcescunt. Explicari hoc potest, quod sub labe functionis reproductivae ortus defectus et inopia materiae nutritis in organis a centralibus remotissimis necessario prius adparere debeat.

Et revera *paralysi* laborantium et *phthisicorum* extremitates, prius, quam corpus reliquum marcescunt, ultimo vero abdomen, quae centrum reproductivae.

In *scrophulosis* adparent extremitates superiores marcidae, licet interdum inferiores bene sint nutritae.

In *ischiaide nervosa Cotunni* extremitas adfecta marcescit absque reliqui corporis notabili passione.

Marcrescentia extremitatum superiorum est signum *accumulationis serosae* in cavitatibus corporis.

B. De forma extremitatum.

Extremitates curvae sunt signum *rachitidis*, *scrophuloseos* et generatim morborum in systemate lymphatico radican-
tium.

Digiti latiores et tumiduli unquibus ex aut incurvatis obveniunt in altioribus gradibus *phthiseos* et in *vomica*.

Paulo ante mortem digiti adparent laxi et contracti.

Variam unques induunt formam in morbis, sic in *plica polonica* ungulati, vasti, materia pinqui obducti, in *cocculosi* sunt supra digitorum apices incurvati, in *pellagra* et in 4^{to} stadio *phthiseos exulceratae* curvi, quod generatim signum est, cutim pronam esse in morbos exanthematicos, interdum cum *herpete* id obvenit. In *raphania acuta* interdum sunt gangraenosi, in *chlorosi* nonnumquam emolliti, in *herpete maligno et lepra orientali alba* non raro decidunt.

In *syphilitide* interdum adparet sub unquibus macula rubra, moxque dein unguis decedit, sub recidiva hujus maculae unguis deformis fit, imo ad radicem syphiliticis ulceribus circumdatur. In *phthisicis* ungues curvati praenuntiant mortem instantem.

Decessus unguum indicat *intoxicationem*, *scorbutum*, *luem veneream*, *arthritidem*, *plicam polonicam* aut *febres malignas*.

C. De superficie extremitatum.

a) Quoad visum.

1. De colore.

Optimum est signum, si color extremitatum ab illo in statu sano praesenti non deviat.

Pallor extremitatum obvenit in *leucophlegmatia*, et *chlorosi*, in posteriori non raro in viridescentem abludit; temperamento phlegmatico est proprius, quod in praedictos morbos inclinat.

Denique adest in *spasmo cutaneo* earum et in *stadio frigoris februm*, ubi si frigus intensum adest, in coerulescentem transit.

Post *haemorrhagias* largas pallor transgreditur in ceroflaventem colorem.

Nec in *reconvalescentia* e morbis gravioribus adest extremorum pallor.

Color *luridus* signum est morborum *cachecti-
orum*. —

In *febris nervosis malignis* signum est mortis instantis. Rarissime in *morbis acutis* obvenit, si autem, tunc signum *funestissimum*.

Color *flavus ictero* characteristicus occurrit in *morbis hepatis et systematis venae portarum*: indurationibus, calculis etc. Hic color sub *laesionibus capitis* accidens plerumque *lethale* fert signum. In *neumoniis*, testante Hippocrate, quoque *funestus*. Interdum sub *terrore* adparet.

Color *viridescens* morbis *lien*is familiaris.

Color *coerulescens* signum est *cachochymiarum*

evolutarum, obvenit in *intoxicationibus*, *febris nervosis malignis*, *pesti*, *coerulosis* etc.

Si in morbis acutis et chronicis per pressionem jam leviozem exoritur *macula coerulea*, *pessimum* id est signum, laxitatem et debilitatem solidorum fluidorumque dissolutionem indicans.

Maternorum, si quae in extremitatibus obveniunt, *naevorum* coloris mutatio in coeruleum aut nigrum, nec non earum relaxatio in connubio cum aliis signis malis *ominis est pessimi*.

Praeterea color extremitatum coerulescens signum interdum est circulationis in iis laesae vel per spasmum vel stagnationem sanguinis venosi quaecunque ratione inductam exorsae, sic pressio venae majoris, sic pulmonum morbi illam colorem praedictum in manibus praesertim et facie adparentem.

In *cyanosi* symptoma est characteristicum ille color, praesertim in manibus evolutus.

Color tandem *niger* signum periculo summum scatens ultimum *stagnationis et dyscrasiae* humorum gradum *gangraenamque* apertam extremitatum prodit.

Sic quando metatarsus in senibus discolor evadit, dolores prius praesentes desinunt, signum est *gangraenae senilis* adgredientis.

Tamen in nonnullis morbis epidemicis, *pesti*, *febris nervosis malignis* etc. extremitates discolor redditae subsequutaque gangraena qua signa *critica* sunt observata.

Extremitates nigro, plumbeo tinctae colore sicut et ungues praenuntiant in morbis acutis in *hydrope* et *phthisi* mortem proximam. (*Hippocrat.*)

Frank observavit in muliere febris putrida laborante in fine morbi manus ambarum extremitatum colore tingi nigro permanente ceterum earum sensibilitate, die 3^{tio} mors aderat.

Varium ultimo induunt extremitates colorem mulcum illo reliqui corporis, nec non maculis versissimis obsitae adparent in exanthematicis orbis.

Demum unguis varie colorati inveniuntur in variis morbis, ita in *plica polonica* sunt *rubro-fusci*, non *nigri*, saepissime vero *coeruleo* tincti observantur colore et quidem in stadio prodromorum *februm intermittentium*, in *haemorrhagia* arteriosa ex anæmicosi, in *melaena*, *scorbuto*, *chlorosi* et *cyanosi*, ultimo morbo est signum pathognomonicum.

Nasse sequentibus verbis describit unguis in hoc morbo: Die Nägel erscheinen hier, wie man dieselbe nur im geringen Grade bey Schwindtäuglichen sieht, dicker, gewölbter, und mit ihren vorderen Enden über die Spitzen der Finger überhohen; die Farbe des Gliedes selbst ist dunkler, blauer, als die übrigen Theile des Körpers. (Reil's Archiv. N. Band. 2. Heft.)

Porro hic color unguium adparet in plurimis pulmonum morbis, in *asthmate*, *croup*, *peripneumonia*, *vomica* pulmonum in *concretionibus* inter pleuram, pulmones et diaphragma; in *tuberculis* pulmonibus, in stadiis ulterioribus *hydrothoracis*, *phthisis* et in fine ad exitum lethalem festinantium *februm acutarum*.

In hisce casibus color coeruleus sensim ac sen-

sim sit plumbeus, imo niger, prouti et in *raphania* acuta saepius color unguium niger observatus est.

Hic color radicari videtur in *venositate* morbose *adcauta* in genere et speciatim in impedito refluxu sanguinis ad cor, imo in impedita sanguinis oxydatione in pulmonibus.

Inde explicandus hujus symptomatis ingressus in morbis pulmonum et cordis atque febribus inflammatoriis, in quibus circulatio plus minus adest impedita. Cum in *ictero*, an incedat per suppressionem activitatis hepatis (uti in hepatitide, ubi icterus quae symptoma adest), aut per impedimenta in ductibus excretoriis bilis exoriatur, tota cutanea superficies principium biliosum ex humorum massa recipiat, mirum non est, etiam ungues fieri flavos, qui pro gradu icteri variant colorem ex flavo in viridescentem aut nigrescentem.

Color coeruleus unguium inter prodromos *februm intermittentium* adparens signum est recessus circulationis ad internas partes, nam et color primo in extremitatibus inter hos prodromos imminuitur.

Ungues pallidi indicant *mucosam*, *aquosam* humorum conditionem, *adfluxum* sanguinis *minorem*, *spasmus* et *debilitatem*; in *phthisicis* mortem portant.

Ungues nigri ad prodromos pertinent mortis.

Waitz (Hufeland's Journal 1803. 16. Band. 2. St.) adfirmat, omnes aegros *arthritide* et *rheumatismo* laborantes per usum balneorum sulphuricorum pro tempore ungues retinuisse nigros.

2. Quoad splendorem.

Superficies splendens obvenit in *hydropse* extremitatum inferiorum, priusquam rumpit.

Designat etiam iste splendor inflammationem *rysipelatosam* esse accessuram.

Oritur per extensionem, quam cutis ab humoribus infra accumulatis patitur.

b) Quoad tactum.

De tensione, asperitudine, duritie et siccitate cutis in extremitatibus.

Cutis tensio, siccitas, durities in *febris inflammatoriis et exanthematicis* obvenit. Aspera redditur extremitatum superficies in morbis *exanthematicis* cum exanthemate supra cutem elevato, in *cuti sicca anserina*; corrugata in *stadio desquamationis* nonnullorum exanthematicorum morborum, praeterea est signum vitalitatis cutis decrescentis, hinc in *senio*, *morbis hecticis* etc.

Cutis anserina in exanthematibus *malum signum*. Epidermis manuum interdum dura et tensa adparet, qua *signum lethale in inflammationibus abdominalibus*, praesertim *metritide*.

Praeterea aspera extremitatum superficies est *elephantiasi*, ubi extremitates inferiores plus quam superiores adficiuntur.

Characteristicum adparet in interna facie brachiorum (etiam in mento et labiis), exanthema tum asperam reddens, siccum, subtile qua prodromus *hydropis ventriculorum cerebri*.

In *rhagadibus* syphiliticis volae manuum et plantae pedum fissae adparent.

In *plica polonica*, *lepra* et etiam in *scorbuto* ungues sunt asperi et in ultimo erosi.

2. De laevitate, mollitie, laxitate, teneritudine.

Superficies extremitatum adparet laxa, tenera, mollis in dispositione ad *scrophulosin* et *phthisin pulmonalem*. Laevitas nimia indicat adauctam cutis tensionem. Si cutis tensa, tenera et laevis est, tunc laesiones mechanicae, etsi leves, difficilius sanantur, etiam *erysipelas* lubenter adgreditur illis.

c) Quoad olfactum.

In *scabie* extremitates mucidum spargunt odorem.

In *panaritiis* et *gangraena senili* pars adfecta male olet.

In *arthriticis* et individuis *stagnationibus* viscerum abdominalium laborantibus pedes interdum *pessime* redolent.

d) Quoad excretionem cutaneam.

Pauci sunt casus in quibus se- et excretio cutanea in extremitatibus ab illa in reliquo corpore deviat.

In *angina* tamen *pectoris* et in *cholera* in extremitatibus adparet sudor viscidus, frigidus, et extremitates superiores in altero *phthiaseos* exulceratae stadio, nec non interdum in *paralysi* earum, praesertim tempore sudant matutino.

Hi sudores in genere denotant vim vitalem imminutam et passivo saltem exoriuntur modo.

THESES DEFENDENDAE.

1.

Activitas systematis irritabilis per sanguinis fractiones adaugeri potest.

2.

Datur discrimen hypersthenicos morbos inertes et activos, estque magni momenti.

3.

Ars declamatoria non est remedium ultimum diaeteticum.

4.

Semiologia praxeos medicae basis.

5.

Magnetismus animalis remedium non sperandum.

6.

Nullus morbus oritur primarie ex textu organicae immutatione.

7.

Applicatio cūltri chirurgici remedium nonnunquam antiphlogisticum.

8.

Febris intermittens non ad classem febrium
sed nevrosium spectat.

9.

Animi pathemata magnum exercent in
fluxum in uropoësin.

10.

Sulfas chininae non omnes chinae virtute
continet.

11.

Pharmaceuticorum auxiliorum in sanandis
morbis virtus, absque concursu diaeteticorum
est insufficiens.

12.

Ignorantia fertilissima morborum causa.

13.

Superfoetatio et superfoecundatio nonni
ludibria.

14.

Studium Chemiae medico quam maximè
necessarium.

15.

Evolutio vitae foetilis studio medici digna